

學福齋詩集卷十

雲間一沈大成 學子

近遊詩鈔

甲戌新正廿六日初去家作

借隱平生志饑驅復此行
牽衣兒女語抗手故人情
細雨催征棹孤雲背暮城
壓船書卷在莫笑容裝輕

辛苦梁鴻婦悲傷庾信兒
無端踏山水忽復遠茆茨
津柳牽人別江梅引客詩
白牛塘上月兩地照相思

悔不躬耕早今猶逐轉蓬
向來多舊雨此去恰春風
落日紅浮遠晴山翠埽空
背鄉方信宿輾轉夢難通

魏塘道中

初晴宜放棹處處聽鳴禽遠水檣帆小孤村桑柘深驅
愁求白墮望古寫清琴垂老偏傷別挑燈此夜心

舟過嘉興錢香樹司寇留飲話舊并示近詩卽席
奉呈

舟行鴛鴦湖白雲高鱗鱗飛樓與雲接烟水吞遙村弭
楫薄春岸躡屐入重闔是時雨初霽泥滑道少人出巷
度石橋晴波綠到門欵扉一相見隔濶情彌敦攜我入
高齋爲我開芳尊窗前早梅花寒苞吐微芬錦囊出旣
醉字字同瑤珉花情旣澹蕩詩意復清新恍坐石湖園

洗我雙眼昏恭惟予假還觴詠邗江濱皇哉

睿和章盛事同臣隣

聖心正虛佇造膝資經綸他時趨東閣重話鴛水春

石門雨泊

禦兒初入越

國語句踐之地北至禦兒
韋昭注今嘉興語兒鄉也

薄暝落帆齊蓬

背三更雨街頭一尺泥漁莊孤渚外桑徑野田西耿耿
不能寐前村聞曙雞

春山

春山態更殊過客足清娛入眼添詩本藏身在畫圖風
來松鼠墮雨後竹雞呼信步尋幽徑花枝拂酒壚

二月三日魯秋塋太史招同傅玉篋金江聲兩先生舒雲亭明府吳甌亭施竹田汪西顥焚虛讓山兩上人集西溪山莊看梅以朱子遶樹百千回香在無言處爲韻分得千字

吾生嗜梅花與之有宿緣羅浮及鄧尉遠近曾留連窈窕西溪中扁舟屢洄沿冒雪穿槎枒昔遊遂十年竹窗

舊池館

先生草堂卽高文恪別墅

仍居玉堂仙飛牋集勝流及此寒

花妍繫余初歇脚亦來陪羣賢未曉上筍輿撲面春霜偏遶山十八里桑竹圍村烟扶筇度石橋冷香壓吟肩便可沁人骨況至山莊邊登樓望北峰空翠抱蜿蜒恰

當早春晴融融養花天倚檻撫瓊雪氣象倏萬千俯視
臨淥波倒影含澄鮮主人興益高左右飛觥船酒酣雜
談諧玉妃亦嫣然安得盡拔桑人以梅爲田歲歲一來
遊永日香中眠

自西溪歸度桃源嶺出花港乃舊與姚江周燕儀
同里顧餘菴湖上觀荷飲宿處而守者已不識矣
登樓眺望不勝今昔之感

扶醉覓前徑竹深翠相交夕陽冷銜山鳴禽亦無聊愛
彼萬梅花縞袂聯娥媼縈迴似含情泥我傾春醪迤邐
去水曲崎嶇陟山椒回首西溪西白雲沒林臯前行出

花港往往逢歸樵天際匹練光知近第三橋言念往時
遊歲月殊未遙園官昧誰氏問荅何嗷嗷重尋水邊樹
尙停堤外舫紅香宛隔生清夢邈難招周顒嗟已沒長
康困塵囂近者河陽墓手酌斗酒澆倚樓拊烟景俯仰
增煩勞太息不能去隔塢鐘頻敲

青浦家大山久不相見聞余來杭夜過吳山話舊
輒成四絕句

芙蓉城下竹窗邊舊事重論祇惘然三十七年彈指過
白頭相見黯相憐

橐筆同嗟萬里身吳山邂逅喜逢春如何便欲橫江去

不爲梅花住淡旬

秋風白下愴離羣逆旅空成感逝文今夕因君牽昔夢

不堪回首澱湖雲

謂故人程濟川

絹素傳神有少容分明石戶託遺踪耦耕倘許尋前約

飽聽青龍寺裏鐘

時遺小影索題

爲金陵張漱石題照

海水羣飛白日陰成連一別幾知音誰將大石填遺調
爲寫男兒抗髀心

出處知幾豈有蹊他山卽可寄幽棲笑渠烏喙全無識
浪把良金寫范蠡

爭墩介甫今飄瓦品石奇章亦冷灰勘破色身原假幻

一拳絕勝妙高臺

翻譯名義集梵語須彌此云妙高

新柳靈和記憶無南朝烟景付啼鳥不須忉利重參證

相好先從半偈摹

君自爲贊鐫石趾

甌亭招同玉笈江聲兩先生冒雨至臯亭山看梅

得詩五首

結想臯亭梅明當一尊共獨宿小樓中美人入清夢未
曉倒裳衣窗黑雨濛濛船開歷市橋微霰天猶凍玉賓
幽興極笑語忘拘縱出城望羣山烟重林無縫中流綠
淨佳轉擢觸枯葑東風卷濕雲晝景已漏空幾枝臨水

開鼻觀寒香送乞酒亟醉之自起拍瑤壺

花光接日氣溶溶白雲生天公憐幽討當午恰放晴繫
棹古柳下躡屐相攜行初從村徑入流潦猶縱橫半里
得招提寂歷無塵聲千堆萬堆雪正繞寒牕明老僧住
香界對花靜繙經蒼鼠不畏人跳躑近檐楹風篁弄微
響山鳥時一鳴恍入華藏海頓使心神清

尋徑度石橋淙琤瀉寒玉長松夾道清短籬縛活竹前
臨瞰大溪衆水會空曲此地多古梅偃蹇臥幽谷何年
戕斧斤蒼幹半蹉跎我聞紹興初遺蛻函老宿

下塔月
明菴宋

清杲禪
師葬此

幾樹繞石牀冷香浸茆屋東折入小園花影分

相屬敷茵坐其間仰視天一握
鱗泉烹春芽名言曼琴
筑過此梅更多不覺又移足

崎嶇緣松澄曲折穿竹樊半日行
花中竟體沾奇芬譬
遇絕世姝目送情已親
路經顯義院斜陽冷柴門同行
竟覺疲欲前且逡巡云此堪小憩
旋議返湖濱賈勇忽
有人振衣上嶙峋援蘿却繼之
縱步出層雲回顧億萬
梅高下茫無分坐定汗如濯
錯訝春向溫細啜趙州茶
快論冰雪文空山寂無人
唯有樵斧聞

歸路指綠嶂聯袂踏落英
顧此清寂境增我逍遙情
中塔在道側徐步試一登
林樾斂暝色寒花獨盈盈
白楊

弔陳人

左近卽明陸莊敏墓

青鴛詢遺僧

中院乃宋真歇了禪師塔

沙岸晚逾

淨曲寬如琴鳴循蹊不忍去聊復憩石亭戲攀向陽枝
嚼雪同酒傾舟子催起舵打篷瀟瀟聲回首十八里香
林隔烟汀泥人萼綠華可耐風雨生

贈雲居寺僧雲巢用趺翠山房肴咸二韻

春雲眇無際一拂此安巢送目滄波動遮頭綠竹交名
言重叩擊好句幾推敲白社歡連袂孤踪忘繫匏

詩境闢空谷安居僧不凡吟情移水石清夢冷松杉曲
徑淹遊屐晴江指去帆湯休能起病叢稿倩渠芟

玉篴先生招集信天書屋追憶樓山王公壬戌之

遊卽事志感

仲春雨初霽梅英弄餘妍玉堂老詞伯開軒集名賢爲
梅寫幽姿妙語超逋仙不才適來此屢陪花下筵銜杯
對香雪懷往重慨然憶昔太原公雙旌自閩旋訪舊憩
浙水高樹初鳴蟬納涼信天屋觴咏恣留連彈指忽一
紀回首霏雲烟惟有嘉樹陰依舊如蓋圓主人起勸客
爲歡及當前笑指苔枝上初弦月娟娟

花朝日自三生石過繡經臺憩翁莊看梅歸宿白
雲堂與茨上人夜話

偶過贊公房小樓坐超忽娟娟擁髻鬟回回抱環玦嵐

光盪我襟塵慮一時失徐步尋近菴陰磴引曲折羣石
偃其間高下若相暱纏絡皆蒼藤幽險恣搜抉僂行穹
巖深漸出天宇豁云此緡經臺謝公昔栖逸飛泉劃雲
壑松竹蒨以密平移萬芙蓉婀娜隱穆嶠靜對久愈佳
春禽啼不歇去去扣山莊梅花爛如雪主人官忘返琴
尊久塵鐫寂寞名園花徒供過客悅馳暉遽西頰歸屐
緣巒嶮微聞烟外鐘倏露松底室有漏染青塵無垢得
今潔上人具石牀埽莓苔木杵薦筍蕨攢眉苦乏酒入
口甘嘗蜜怡逢百花朝重舉三生說回向淨名翁何緣
宿禪窟良遊不可常莫孤半窗月

晚登湖上畫意詩情樓沽酒獨酌慨念昔遊得二
絕句

斜日猶銜一角山柳堤且繫缺瓜船水雲四起嵐光失
正是西湖欲暝天

小樓依舊白雲隈狼藉殘梅向客開好把深杯酌湖水
當年吟伴幾人來

雨不止

雨氣連湖白瀟瀟窗外聲春陰三月過鄉思一宵生伏
虎昏多嘯栖鳥冷易驚擁衾愁不寐燈炮夢難成

初晴同漱石登西爽閣

高閣送遙矚湖山入杳冥一奩妝鏡白幾點佛螺青雨
過花猶鞞風多柳漸醒孟陽題句好攬秀在雲屏

壁間有君

舊作

漱石招飲山樓

偶此登樓飲凭闌意眇然山光青到地江勢白浮天回

首多陳迹同心亦宿緣銜杯思屈宋也倚美人憐

君以懷沙

記屬序

南屏訪讓山上人卽用厲樊榭徵君韻

曲徑緣深竹閑房翳古松香生華藏海人在妙高峰空
外唯雲共吟邊一蝶逢春山饒筍蕨肯爲野夫供

焚虛讓山兩上人先後過吳山寓齋再用前韻
久存霞外想偶此弄青松何意聯雙袂來尋第一峰論
詩齊已匹覓侶德雲逢莫慮餅無粟桃花亦可供

登紫陽山

磴道開新徑萍踪此乍經人烟含萬井石氣上孤亭天
接江湖白春增草樹青凭高發長嘯頓使宿醒醒

雨中飲吳山酒樓

春陰增寂寞攜手共夷猶雨氣平沉野江聲遠入樓世
情矜腐鼠客意狎閑鷗一瓊頽然處何知逆旅愁

湖上雜詩

有序

三月丙辰天竺焚上人以余之逆旅岑寂也邀
遊西湖是日出清波門泛舟至孤山寺夜卽大
雨越一日始霽縱觀六橋兩堤間三宿而返就
所聞見并憶前塵得斷句十二首

春水春山春可憐扶筇又上郭門船湖光一片濃如許
鏡裏妖姬無此妍

裏外湖橋芳草長春風日日送人忙紅裙幾隊沿堤去
錯認桃花亦有香

偏安遺迹久消磨人過樓霞感慨多殿上焚香門外唾
到頭忠佞竟如何

禪榻孤吟燭影斜
驚人窗外阿香車
關心一夜沉沉雨
狼藉蘇堤無限花

濕雲飛墮贊公房
獨坐西窗晝倍長
剝啄何人衝雨至

出門烟水綠茫茫

雨中蔡桐川以封借陳緒
三興祚邵檀波晉之至寺

卍字闌干丁字簾
蕭娘壚畔月纖纖
多情最是雙堤柳
閑送香絲撲酒帘

扶踈古桂舊山莊
巾子峰西落日黃
一種悞人家國事
烏金不鑄賈平章

耆老長康詩筆鮮
西泠吟社集羣賢
不堪重聽山陽笛

風月銷沉已十年

謂顧月
田先生

錦帶橋頭日欲沉
風蒲獵獵接湖心
經過惟見添亭榭

不計春來水淺深

裏湖將淤

屬禁誰教及水涯
幾時重見藕花開
風流只憶西林守
曾爲湖山脩袂來

露氣湖光暈幾重
新蟾在水更溶溶
夜深獨步平堤上
忽墮一聲烟外鐘

三宿湖頭興未疲
雨香花豔一留詩
眼前有景嫌才盡
漫與船孃唱竹枝

雨窗

積雨忘昏曉
重陰暗碧紗
氣沉湖上柳
香減檻前花
孤

館人聲斷寒衾燈影斜翻因來錦字轉使客思家

苦雨示表姪張靜思

日日陰雲傍小樓鷓鴣聲裏客淹留十分春色九分雨
萬種心情一種愁堤落天桃紅有淚湖添新漲綠於油
好山無數空濛外泥屐烟蓬可自田

緒三桐川招遊西湖以雨不赴

櫻鞞寸步阻泥塗勝集還虛名輩呼烟雨青帘尋五柳
五柳居湖上酒家也水雲畫舫泛雙鳧遙知點筆羣公樂自悵登
樓驕客孤回首舊遊成夢幻無諸城下亦明湖

舟中有懷漱石

白門詩老最風流
小別扁舟歸客愁
逆旅何緣逢勝引
好山無處不同遊
紅牙紫玉分吟席
細雨斜風上酒樓
早晚重尋櫻筍候
報郎共放柳陰舟

學福齋詩集卷十終

學福齋詩集卷十終

學福齋詩集卷十一

雲間 沈大成 學子

近遊詩鈔

雲亭明府引 見入都將送不及次竹田韻奉寄
恰趁南風萬綠新好停孤櫂上雙輪暫過履道坊中宅
相望題襟集裏人小驛銀燈生遠夢空江烟絮送殘春
鳳城北去三千里猶念湖堦漂泊身

欲送仙鳧去似飛河橋延佇綠波肥
征途穀雨連梅雨
歸日生衣換熟衣三接

恩光趨朶殿一隅岑寂向巖扉
吳山烟樹遮人眼
賸有

離愁滿夕暉

仙林寺訪松亭上人不值

可愛新晴日來尋開士蹤偶然踏塵網不礙演禪宗荒
礎苔痕合小闌花影重湯休去何所坐斷六時鐘

松上人過別歸金陵

白社頻求友青山復遘君論心人是月落筆句爲雲暫
接着花侶仍尋洗盃羣秦淮春水淥歸夢繞榆枌

邵檀波見訪

蘭茗碧海幾清吟獨向湖山倡正音江左才名歸杜牧
鄴中詞客說陳琳異書勘後兼金重古硯磨多似臼深

肯念旅人山館寂一綈容借願相尋

立夏日玉篴老人招集信天書屋

梅豆櫻珠上市新高齋折簡盡詩人吟邊渾忘猶爲客
杯底能留已去春深綠關心三月雨軟紅回首十年塵
總持風雅憑公等漂泊湖山任此身

爲陳玉池明府題雲溪返權圖

波冷雲溪仙權移獨餘鉛水向空帷綠苔箋紙紅絲研
重寫當年腸斷詩

爲竹田題舊雨齋話舊圖

老屋三間嫩綠新繩牀藤笈淨無塵蕭長偶過添今雨

他日相思是舊人

簪盞襟題抱古情
知君久與白鷗盟
深杯促膝論前事
簾底南湖一片明

拜張烈文侯墓

半紙宵飛梁棟摧
同時碧血此中埋
何當更鑄秦長脚
也爲將軍吐氣來

日者乞詩爲題於壁

新雨過人少
支筇舉確行
吟餘從季主
塵外識君平
高竹出墻綠
亂山當戶明
此心本無住
擾擾笑凡荆

次韻邵檀波同曹荔帷寶山晚眺之作

山晚林霏暝斜陽去寺門最憐空翠影半滅遠烟痕寬
徑連雙屐登樓共一尊是日二君飲山中酒家懸知吟眺處風卷
亂鴉喧

石門家鶴年招同漱石九峯堯佩陳禮門靜思純
一集西爽閣得四絕句

一閣紅飛萬綠隈酒人吟伴共徘徊推窗莫厭斜陽入
大好湖光四面來

縹緲仙音出碧城冷然入耳得心傾寧王笛色銷沉久
金地山頭第一聲

嚴鼓譙樓夜已深卷波浮白尙相尋自憐老去狂猶故

學前列女詩身卷二
花影滿身酒滿襟

放浪湖山扶醉頻
畫衫鈿扇十分春
尊前惜少都知在
與別銀燈算酒巡

李霖村明府過杭玉笈老人招同秋塋先生餞於
湖舫卽席二首

蘭橈載酒鏡中移
良友重逢一解頤
遠道經年書不達
同舟此日醉何辭
樓臺金碧真如畫
節物清和恰入詩
難得高賢爲地主
因君犯曉到湖湄

關重嶺復馬蹄輕
心切傾陽不計程
一葦乍收羅刹岸
雙旌遙指鳳皇城
江湖肯懈平生志
車笠仍尋宿昔盟

此去花橋舟暫艤吳兒騎竹遠相迎

君曾分守吳郡

竹田以詩招飲走筆和荅

清詞妙墨寫烏絲勝集聞招已朶頤滿眼青山堪縱酒
栖心白社偶參詩相憐逆旅淹萍梗自愧庸姿避鼓旗
乞米乞花都不易未知如願定何時

答來詩三四句意

集舊雨齋分得魚韻

南湖風定午晴初蠟屐來尋高士居名酒細傾紅上頰
新梧深覆綠沾裾一時勝引兼吳越四座詩人盡庾徐
最愛蕭然塵不到簾盈香篆架盈書

雨中飲篁菴用去秋江聲先生竹田讌集韻

筍輿衝雨向花宮
小市南頭曲巷通
染袂竹連三徑綠
倚闌花憶一簾紅
旅愁須仗深杯遣
吟興全因勝侶同
天氣熟梅看漸近
林端屋角濕雲籠

坐殘竹雨更茶烟
蟲語禽聲斷復連
妙義自生譚麈外
癡情期證佛香前
湖山邂逅人千里
詩酒淹留客半年
路黑河橋天已晚
倦來欲借石牀眠

焚上人遺冷枚華嚴五十三參畫冊爲詩報之
百城烟水向南詢
小白花香大海濱
十九卷藏殊妙相
都憑墨瀋爲傳神

華嚴法界從空立
誰會柔和微妙音
彌勒翻由闍維至

舉頭頓失向來心

十七言中百億音寂寥九弄感珠林何須更訪金剛智
仔細歌麻韻裏尋

賢首宗風已久湮毘盧性海亦揚塵阿師懷有生花筆
水是前因月是身

廿五圓門字字禪二嚴妙義本相連須知尊者言無誑
何日延津光燭天

題畫

兩三株樹不成行秋水秋山客路長仿佛建州江上過
一絲白雨送新涼

讀畫先須參妙理溪山小景賦家心漁人趁早撐船出
遙指前村烟水深

題荔帷秋湖采蓴圖

西風吹皺西湖水涼月涼波泥酒人畫出長蘆秋夜句
白銀盤裏采香蓴

茸茸雉尾滑流涎一箸沾唇味獨鮮記得老饒圓柳上
也曾醉放月明船

閏夏十一日江聲先生招集曉亭餅花齋待月限
齋字

槐陰向夕綠沉堦堅坐停杯洗句佳微見涼波穿遠樹

頓飛清影入幽齋
羈人情緒難爲醉
諸老風流莫與偕
安得銀蟾圓不動
伴儂吟弄徧天涯

訪許以光程堯佩陳漢留鴻菴諸公紫陽山館留

飲遇雨同硯樵作

泉入空壻山入房
暫橫吟榻白雲鄉
微風竹外流清籟

急雨尊前送嫩涼
老向親知容放浪
閑尋林壑足相羊

何堪醉聽傷春句
幾度淮南感杜郎

硯樵酒間
自誦新詞

漱石就館木中歸
送不及輒吟長句

白下雲間雨旅人
青山半載結芳隣
蒼茫竟阻河梁別
惆悵空留烟墨新
下水去程舟似鳥
挑燈孤館雨如塵

相思相望從今始酒琰花枝總愴神

雨中方曼陀招同王秋汀靜思飲酒家卽事

相逢何必嘆飄蓬汗漫遊踪本是空
雨氣遠浮江閣外嵐光低墮酒杯中
元英高唱推無敵懷祖多情訝許同
漫說輕鸞千二百年華容易棟花風

題甌亭重得先人所遺許丁卯集後

從來神物合無心廟市緇塵轍跡深
先澤幸完同返璧遺書重得比兼金
百年詩是箕裘業一卷香傳翰墨林
今古盛推山雨句却教此景入哀吟

湖上綠陰同檀波荔帷徐南徐陳遠村萬近蓬作

湖頭湖尾曉沉沉望裏高低林影深幾處和烟遮遠岫
有時漏日弄微陰翠鈿欲度渾難別酒幔相隣不可尋
又是一番花事過葉肥子滿坐幽禽

胡西園招同江聲先生竹田泛舟臯亭山分得風
字

臯亭山下甘村曲漫水平橋是處通細細棗花香過雨
田田荷葉綠翻風爲舫野趣忘歸晚絕稱吟懷覓句工
聞說新絲將上市縑車聲出晚烟中

奉呈備兵陳學田觀察四首

手握牙璋備大藩鳴笳疊鼓關和門千重石立三陲固

一紙書飛萬戶温月墮南樓猶點筆花明東府每開尊
治兵治水勤勞著裘帶風流保障存

隄防數載髣髴斑海碇江帆數往還急雨夜登神禹廟
怒濤秋却伍胥山法遺後守功難泯名倚前光望莫攀

先恪勤公為
治河名臣從此東南安帖席

詔徵宜下九門關

掘衣幸此奉清光人在荷鄉話荔鄉公會分憲江漳已媿羊曇

依謝傳敢同子固遇歐陽公初見所撰潘敏
惠行狀猥蒙獎借書籤香古

連詩益墨海濤飛擁筆牀三載望塵今日遂好風送我

傍瀟湘

長沙星近紫垣崇濟美天衢台斗同此去漢庭承渥澤
重來越水扇春風行穿柳影無窮碧路入藕花一向紅
賸有信陵門下士津亭延佇感飄蓬

酬陸式如表姪

卅載重相見仍爲汗漫遊僧房堪結夏萬峯讓上人客

來約避暑

客

鬢早驚秋竹潤嵐光重荷喧雨氣浮好尋舊吟伴載酒
弄湖流

雨夜讀杭堇浦太史嶺南集追念昔遊得八斷句

篇什傳來翡翠洲挑燈坐雨詠山樓射堂弦管書帷月

廿載前塵一夕愁

余於雍正甲寅入粵

學苑詩集卷一
八
頂湖湖水接天流醉踏花宮最上頭記得放燈時節近
鵝花如火上端州

海幢近射海珠紅法鼓軍笳且暮中最愛訶林荒寺裏
娑羅吟雨更吟風

昌華苑古荔烟屯香樹花田總一塵水調今翻江上曲
珠孃也復可憐人

詩人嶺外推陳老琬琰曾收劫火餘喜有文孫操翰墨

元方才調更誰如

謂順德陳華封

九日登高王季友三城尋菊傅脩期華嚴一會成今昔

愁向西湖把酒卮

戊午九日玉篴老人與錢唐王雲子丈共來臬署登高時老人爲粵秀山

長王亦客太
倉中丞所

東江明月西樵雨黃許同遊歷歲時法曲飄零花落盡

祇今誰更唱楊枝

閩中黃十硯吳門許竹素
兩丈客南時極賞妙觀部

幻身似我三無喻塵障無人七不堪細數舊遊真隔世
唯餘清淚滴羊曇

題陳恪勤公詩集後呈學田觀察

朱鳥儀南紀公爲國典型神州持簡白畫室伏蒲青晚
受司空寄長遵治水經寫金崇百襪英爽奠滄溟
憶昔分銅虎謹然奉若神大奸驚脫距

聖主尙批鱗信史孤臣著謳吟遺愛真江東百萬戶井

牧荷深仁

公在江南清正忤上官幾中危法

臺閣歸模楷西清珥筆遊

公先後直武英殿

高文承賈董別墅

接羊求

謂許竹素曹諤庭兩丈王慧音兄

憂國雙蓬鬢移官一釣舟至

今逢掖士淚墮峴山頭

地望衡疑竝風騷蘭杜香幸因闕竹素快得戴星芒詩

筆傳家遠門材名世長服膺同海若吟望浩難量

重五前三日冒雨至南屏訪讓山上人適秋旌先

生招同解黍各紀一詩

精藍衝雨過講舍納涼來已入茶三昧仍飛酒百杯松

杉竟何所禾黍亦堪哀

書院在鳳皇山宋時舊內也

試取糖霜譜重

爲角獲開

午日和靜思韻

節物驚心攬髻絲山房聊共泛深卮是何蟲豸能爲毒
但有葵榴不厭遲今年晴雨霉天無定準暄寒客邸自
維持絕憐嬌女衡門裏應話歸人在幾時

題姚天璞乞食圖

一段荒寒墨瀋新柴桑詩意已傳神
簞瓢不用相呵喝

貧子窮兒亦有人

見魏應
瑗詩

吟詠逍遙足勝情一枝柳栗萬山行
半年白社栖遲客
重向圖中認董京

香溪閨秀徐若冰以詩相質稱弟子感其意而贈
之

漂泊湖山快論詩酒邊燈畔幾心知絳紗弟子徐都講
也似西河老去時

泛宅新從笠澤濱石橋南去月如銀縱橫越女矜風雅
盡向妝臺作後塵

挽下春雲指下音畫簾絲几坐來深漆香若與緡緡帙
金管先書女史箴

三宿湖頭雨不休茶烟禪榻偶淹留何緣却在明珠贈
爲寫騷人一段愁

余湖上雜詩
亦有題句

余將爲廣陵之行西顥荔帷曼陀近蓬登山餞送
月下分賦

束書欲問廣陵程其上高樓把酒傾半載湖山多勝引
異鄉兄弟若平生花開魚子微香入綠滿桐陰快雨晴
好泛深杯澆月色故人情似玉輪盈

學福齋詩集卷十一終

學福齋詩集卷十二

雲間 沈大成 學子

百一詩鈔

甲戌五月晦日歸自武林舟泊楓溪蔡桐川留宿
齋中卽孫氏山曉閣址也醉後與王秋汀張靜思
家梯烟得句并邀主人同作

擺徑香深綠到門叢篁老樹自成村扁舟烟水尋前約
涼夜壺觴快細論池館仍歸名士有耕桑尙見古風存
徵書祇恐催人去鷗外徒餘釣石温

盆荷

數處分秧種得成
亭亭綠漸映
牕楹露晞小院香猶在

雨到空庭珠亂鳴
出水不教鷗影近
傍墻更覺月華清

即今難覓馮於手
為寫谿堂追暑情
宋馮大有於青年
專工畫荷劉因詩

邇來馮於
號能事

初秋游塵定菴即用壁間張超然避暑韻

深巷無人到披襟樂靜便
欲從二要後共論四禪前海

日烝殘暑秋風急暮蟬墻東有脩竹坐久意泠然

同衛畏之入超果寺憩明公房作

鴨脚陰如幄荒寒稱住山
逕穿深竹入門倚老松關權

可曾棲息東湖借山元墓質
先來游皆憩於此宗雷舊往還明時董文敏
結念佛會書

西來頓教除熱惱鷗外水潏潏
堂扁

王香雪招同繆學山王香浦衛畏之戴鈿菴張南
查集姚悔凡松桂讀書堂分得花字

碧樹情情散暮鴉石欄水檻靜無譁
便娟人引樓頭月
絡繹詩飛筆底花
按拍自忘銀漏促
卷波誰道絳河餘
老顛風景年來裂
不覺當階醉影斜

鳳樓校書在坐

前詩意猶未盡復題一首

豈有清詞擬下賢也隨竿木到尊前
荒街已斷三更鼓
盛坐猶誇十樣賤
小院曲廊風細細
高梧深竹月娟娟
何堪沈頓聞薌澤
子夜新聲更可憐

學正言集卷之二十一
凌世錫高蕙圃衛畏之張靜思偶集觀荷分得侵

韻

薄雲歛殘暑涼意生遙岑愛茲數柄荷娟娟綠猶深蓋
影媚微風鏡香悅煩襟同心二三子婆娑花之陰覓我
池上作宛聽林間禽村居足烟水菱芡粗易尋新秧喚
婦煮濁醪爲客斟半世疲津梁一隅安蹄涔庶老尊鱸
鄉共戲翰墨林奈何迫辦嚴放棹去江濤化時各話雨
今夕聊盍簪起看參旗斜秋柝悽以沉

同人集周四可齋分韻得樵字

視北方耽寂溪南忽見招合尊喧縱酒待月坐深宵客

意浮江遠秋聲挾樹驕幸逢文字飲真訣叩孫樵

謂雅南

施渙之過

烟水荒村暮蹙然吟展過關河經歲別風雨入秋多大
璞終當剖前塵已半磨巷南有醇酎貰取且高歌

次韻酬王巢民

高士寧愁世網難杖藜選勝不知還籬邊黃菊漸堪掇
溪上白鷗相對閑詩筆久居盧駱右野情合在李徐間

東漢王君公與李
子雲徐房友善

嗟余歲歲隨蓬轉未得從君共買山

超然招集塵定菴遲客有作依韻和之

精舍吟筇集清江暮色沉其憐秋近半不覺坐來深作

賦張平子忘機支道林相逢多勝侶沾醉酒盈襟

雨窗有懷武林諸同學

宵來甚雨勢翻盆遠水茫茫綠到門秋半已驚孤枕冷
病餘轉覺熱衣溫荒江風急無人渡一笛烟沉何處村
朋舊西泠勞夢寐幾回惆悵對芳尊

寄懷福清林師實侯官孟朝舉仙遊陳子榮

諸子三年別相思何日忘江懸秋雨白嶺壓暮雲黃東
府空回首西州欲斷腸叮嚀南去雁爲報荔支鄉

簡長洲許竹素丈

前輩惟公在多年阻問奇秋風甫里夢夜雨杜陵詩又

放橫江棹

將往廣陵

徒懷把酒卮嫩寒增客感寒雁正來時

八月十二夜乘月放舟之廣陵送者皆去張澹遠

衛畏之同至白龍潭上作

津鼓宵將半烟篷客欲行相憐今夜月特爲故人明沙
尾寒潮上草根零露盈河梁回首望延佇不勝情

虎邱雨阻二絕句

風雨漫空夜過吳望齊門外片帆孤畫舫簫鼓歸何處
却看烟雲潑墨圖

猶憶蘭橈此暫停藕花香裏酒初醒低個一十三年後

留得枯荷駱氏亭

壬戌夏安居王樓山先生
罷鎮過吳同憩蔣氏園亭

十五夜作

靈憲會聞論闔虛劉安灰暈更何如平生齒冷玉川子

蟣蝨臣思獻帝書

是夜月食

聊城踈雨淡含烟回首方舟指逝川一自東山絲竹冷

平沉風月十三年

壬戌中秋與樓山先生泊舟東昌城下

婆娑桂影喜重圓夜半江頭客未眠何似新磨妝閣鏡

美人初揭畫簾前

毘陵道中

毘陵北去趁新晴一幅蒲帆自在行小白荻花連野色
半黃榭葉助秋聲舊時家令人猶識故第尙書客尙驚

曾受征南恩不次幾番回首獨含情

是日入城訪潘敏惠公第

將出京口醉後同靜思作

自顧浮生類轉蓬又持短楫過江東
漫愁對燭聽殘雨却喜開帆遇便風
鴻雁數聲來枕上金焦兩點落杯中
秋光滿眼牽吟興醉後留題句未工

初至廣陵假館興教寺作

負擔初停日已曛招提清磬到來聞
經年地濕常疑雨小院秋深尙聚蚊
征路每逢流瀨雁故人猶隔過江雲
杜郎大有閑情在風月紅橋可許分

天寧寺

金碧陵空勢欲飛

皇居氣色過江稀

寺內西偏
卽行蘄

秋風一一催征雁暮雨星

星點客衣圓相應真誰定是

寺僧募
塿羅漢

前塵安石已全非

寺爲謝
安故宅

出街便接平山路欲買紅舫醉不歸

馬嶰谷半查招同程午橋全謝山錢籜石三太史

朱稼翁徵君陳竹町閔玉井張漁川諸同學集行

菴分題王穀祥梅花水仙畫卷卽效其體

墨花交舞春風先編衣美人綠衣仙鏤冰屈鍬遠回映
或腴而妍或瘦勁王郎妙手奪天工寒姿逸態空濛中
宛踏清波立晴雪令人撫卷叫奇絕吟餘起步高齋幽

庭前無數秋花秋

九日漁川招同程午橋全謝山錢籜石三先生朱
稼翁陳竹町閔玉井馬嶰谷半查樓于湘方西疇
洪曲溪汪恬齋張嘯齋竹西亭登高分得初字

言尋竹西路隕葉隨輕裾靈曜媚嘉辰氣象晴以舒孤
亭面平楚秋光滿堦除遙睇隔江山娟娟羅碧虛萬木
受微霜高下紅酣初古人邈不覩勝引喜相於競寫霞
上作流觀壁間書吾醉枕菊眠天地爲遽廬

午橋先生携同籜石太史徧遊禪智寺諸古蹟卽
用壁間石刻蘇文忠蜀崗送李孝博韻

天清厲征雁林靜寂寒蟬一拂城市坊共蹋亭臯烟花

宮頽以荒石闕危將顛古佛蛛絲纏斷碑蝸篆懸自笑

石戶農而接玉堂仙摩抄思前塵嗚于追曩賢先生與同人先

會和韻夷猶歷後圃斟酌品清泉愛茲竹脩脩承以月

娟娟幽興正爛漫吟情相翺翩入座翠杓盈出簾蘭膏

然

閔玉井招同樓于湘吳梅查賢從鹿亭集雙清閣

分韻得魚字

落葉堆三徑秋風滿客裾因來庾信宅得見子雲書酒

泛黃花老簾窺白月徐相逢名輩在應笑野情疎

松亭上人房讀史茗涓吳梅查閱鹿亭洪達夫程
竹垣諸君九日登高用蘇公黃樓詩韻酌倡斐然
勉爲繼聲

百篇細把良游說九日遙知高興發烟蕪應愛掌面平
晴山不怕石頭滑盛坐幾人爲整冠狂生似我敢解鞵
綠橙好斫金螯嘗黃花也泛玉漿呷藏身何處長房壺
埋名有意伯倫鋪寒潭秋水可憐生暗窗夜雨空愁殺
同時譚讌集孤亭是日余遊竹西亭今日尋思話古剎妙香忍
草喜頻過歌筵舞席空相軋疎林策策高風斜遠村隱
隱亂雲壓倚闌萬竹互枝撐隔江數岫低缺鑿遲回竟

類逐隊魚荒唐莫笑呼名鴨題襟端合數江淮罨畫還

當勝茗雪

過彈指閣訪朱稼翁

洪曲溪招集行庵作陸淳川亦至

歸然詩老在可質古人心野色入墻遠秋聲出樹深遺
經今共睹初地此相尋幸得萍踪寄時聞正始音

西溪鄭文園亦客揚州在詩投贈率題二十四韻

報之

方春泛西溪會叩溪上館主人出遠遊瑤華點几案吾

友萬與曹

謂近蓬蒨帷

盛言妙詞翰當時迫傾倒今日忻相

見皇皇傳家業

君以尊甫雪嵯先生遺集見贈

望洋驚浩瀚舊德仰康

成清塵踵元晏是毓崑岡姿春雲滄生研或時埽剡藤
筆陳開鵝鶴小住頗亦佳絳紗羅羣彥良金與色絲台
齊而恍凍蕪城片月明蕙灣雜花爛都來作雅材揮霍
供驅遣投我五言詩若華紛惹倩組以瑟瑟珠奇彩日
爲眩我初弛負擔腰脚憊以倦低首問途人往往受給
調半月始入城毋乃罪疎慢昔有杜牧之風月恣遊行
畫船帖水飛珠簾上樓卷我獨坐寂寞局促困鞅鞵長
鈇徒空彈故衣誰爲組幸得同心友握笑忘貧賤君喻
掣海鯨我媿搶地鷄周旋肯交綏悉索請再戰

吳梅查招集青棠館遲洪達夫不至聞有城南之

遊同陳竹町樓于湘作

一榻無塵高館清
天涯知己若平生
青尊勝日客盈座
紅樹寒江人隔城
今雨漸多移屐遠
小春已近覺衣輕
畫船只在雲深處
延佇風前送雁聲

喜晤吳門張筠谷卽送之楚

昔向支硎泊
今同淮海遊
孔懷成隔世
小住忽經秋
君家支硎山下與
亡弟季心最厚
黃葉村中酒
青山江上舟
因君生遠興
夢到庾公樓
湖北張楞
阿中丞

西方寺尋金壽門

蕪城留滯客
梵宇寄吟身
翰墨追前軌
風流見古人
寒

林連野日清磬落香塵一榻圖書滿知君未是貧

初冬至建隆寺訪桐溪尊宿留同金壽門史茗湄

張靜思懶雲上人晚飯用崔珣道林寺韻

天寒風勁斷來往兼旬埽軌一事無偶過城東訪善友
逡巡留飯香積厨豌豆菜肥黃芽脆蕓頭縷抹薑橙俱
法筵齋盃聚百味項嚮腹腴將何須日斜幡影隱龍象
風來梵韻諧鐘魚西湖老仙吉金叟相逢讀書兼論書
興酣筆落驚衆客往往得意掀髯呼桐溪枯瘠有道者
一餅一戒百八珠與我說法入三昧不覺欲宿高城烏
坐看月上屋外樹猶見雪壓園中蔬當年戰地今淨域

脩羅萬孔光饌餽鏡歌劍舞付樵牧金牀玉几埋邱墟

寺爲宋藝祖平李重進時建 聖不嗜殺佛放生異趨同意百世模我

輩行散意少倦滿引苦茗甘醜酬往來步履有十里寧
爲口腹勞形軀寺外野水清且泚悠然乘輿忘江湖安
心寓目皆自得局促塵鞅徒嗟吁相携大笑入城去市
鏡街柝沿歸塗

題陽羨儲長源倚樓笛譜

香怨玉嬌思竹屋柳昏花暝感梅溪幾番展卷不知寐
惆悵汝南雞亂啼

舟出焦山下作

荒江寒白澹擊汰此重經東下千帆白中浮一髻青鑄
金傳古鼎洗石辨遺銘換舵南徐近沙鷗起斷汀

同衛畏之王藥山西村看梅

隔歲交春早梅花已放齊冷雲荒寺近斜日野田低吹
笛思前侶巡檐覓舊題

去春曾同范瀛山遊賞移日

何來雙鶴喚引

我過清溪

學福齋詩集卷十二終

學福齋詩集卷十三

雲間 沈大成 學子

百一詩鈔

買舟重至廣陵途中作

好山如畫柳如烟人語春鶯總可憐正是江南農事起
小橋搖出罽泥船

葑溪一曲水潏洄老桂婆婆娑繡綠苔幸與故人歡握手

漂榆昔夢十年來

與陳和叔徵君別天
津城下今始相見

秋風抗手新亭浦舊事驚心皖口城留得敬容殘客在

夜堂聽雨話平生

喜晤陳
光岳

傳經家法繼康成
隱曜潛光有大名
斗酒隻雞相慰藉

何如比牒到公卿

惠松崖徵君留飲

客耕不到精廬久
著屐重尋泥沒腰
知定街南與街北

茫茫春水赤闌橋

冒雨尋家寶硯兄

七字吳中最逸才
藏書萬卷抵瓊瑰
多君好古今時少

直得拖泥帶水回

雨中訪吳竹嶼不值

十年不見許元度
笠澤烟篷入夢頻
到處逢人勞問訊

論交誰更似公真

許竹素丈在吳候余日久而去

閩嶠名流吳寓公
相思迢遞海雲紅
幾時始返東鯤棹

同把深杯慰轉蓬

懷龔秋楚

虎嘯收雨翠黏天
小市南頭倚畫船
絕似美人春睡醒
綠雲亂挽到簾前

江尖艤棹爭沽酒
綠浪紅欄啟客顏
雨外嵐光沉不起
憑誰潑墨寫春山

華嚴樓閣峙中流
垂老方能到上頭
學士闍黎俱寂寞
亂山斜日使人愁

隋苑風光迹未遙
飛花眠柳笑相邀
莫嫌閉置同新婦
正好迎春阜茨橋

夏夜同盧雅雨都轉江松泉嚴東有雨同學飲金山僧房看月卽用東坡遊金山韻

洪濤萬頃山一拳危樓東眺極溟海江山六季幾人遊
華嚴已散雲烟在招提高下沿坡陀吾曹於此臨滄波
常儀御月莽空濶眼底歷歷風帆多太息西津人擊楫
征塵擾擾無休日江南乍見雜花紅江北已看隕葉赤
飛雲片片何處來頓掩蟾光半江黑酒酣論詩香界明
夜深吐語江神驚歸宗伎倆吾能識豎拂拈花定何物
浪遊幾度負三山王客皆賢我獨頑倚闌吟嘯正未已
小艇如鳧破烟水

膠西高西園鳳翰工篆刻嘗得漢長平侯私印文
曰衛青其質玉也蓋漢法列侯佩印得用白玉吳

與閔範九以丹沙印于方絮并索西園平日所刻
各體共五十四裝演成卷爲賦二絕句

瑟若璠璣刻姓名奇勲七出說長平茂陵風雨邠連月
一種銷沈感漢京

金薤琳枝一筆成朱文駿犖態庚庚後來印史編佳傳
海曲疇人尙左生

至吳次日惠松厓徵君招飲高齋晚同平原董曲
江長洲顧亦韓金又韶過訪嘉定曹來寅歸游滄
浪亭卽用歐公韻

扁舟乍繫卽呼飲旣飲豐膳觀鴻篇說經久識鄭高密

願學竊媿孫叔然譬羅古器陳寶玉駸犖燹豆光玦環
卽今四海誰子若故應六籍歸君妍發言炎炎義鼎鼎
頓令醉客靜不喧頽陽在墻禽入樹屋外秋卉堆寒烟
忽思良友拉吟伴斜橋曲巷相延緣握手數語便欲別
逸氣已壓瀛洲仙滄浪亭子歸路近青帘紅樹連野田
當時南園什存一縠紋鑑影交淪漣霸圖湮沒詩境改
居人安識蘇與錢俯仰千載一陳迹英雄名士俱可憐
疎花孤石延暝色敗荷衰柳搖遠天吾友衿契多厨俊
況有弟子如國淵歸來温酒更談藝沈醉徑欲引枕眠
故知文字飲不易自嘆頽墮非壯年作詩聊記一日事

毋使里耳輕爲傳

王蘭泉舍人三泖漁莊圖

茫茫長谷綠浮天
蟹舍魚蠻半水田
絕愛柳陰初放楸
頭船

七子鴻名海內聞
偶來閑釣一溪雲
樵兒渾忘天邊鵝
鷺羣

風流陳夏已前塵
吟社壬申斷問津
眼底回瀾端合屬
斯人

七里三塘唱竹枝
流傳不讓冶春詞
從今

細雨斜風盡入詩

君有山塘雜詩

淨洗十年塵土腸莫言落落吳僑客金玉昆友動四方
 風流豈殊王百穀日下曾遇袁南陽會須登堂埽詞翰
 高舉輪翮排天闔功名飄忽等芻狗所羨垂世留文章
 向晚林端風策策河梁露氣連天白呼鐙抗手登岸行
 吾徑醉矣忘主客

哭孫雅南

春鐙恍隔塵春初將至廣陵雅南置酒餞余夜雨黯傷神分袂成千古

題襟復幾人酒鑪尊未冷往歲在杭時借飲酒樓河渚墨猶新余

溪看梅詩會遺集傳孫綽吟餘淚滿巾題十絕句

題侯官林輪川硯史

光祿坊頭積歲思靈胥江上晚秋時寓公化去羈人到

惆悵無因一論詩

往在三山交君兄蒼巖卽慕君名今來吳而嗟已逝矣

宮瓦君家片玉存今繙硯史勝堅昆盡搜三洞精華在
不數前賢高似孫

一別元亭忽五年摩抄題句墨痕鮮秋風秋雨螺江夢

感舊懷人總惘然

黃丈十硯題句最多

驚脊烟開魚眼紅頻年來往大波中妙蓮花瓣隨身具
不用乘槎渡海東

題徧扶桑亦壯哉每逢勝引倒金罍斫將寸丈珊瑚樹
好與才人架筆來

屈指分攜忽數秋把詩吟共木蘭舟巴江萬里魚龍冷

殘客重逢已白頭

謂安居王樓山先生

山塘雜詩同蘭泉舍人作

七里山塘半畫樓蘭舟多繫石橋頭蝶輕鶯滑笙竽脆
無數垂楊蘸碧流

美日芳辰供客娛紅闌綠浪景偏殊黛眉十樣看難足
却買仇英仕女圖

紅紅白白出青蘿香界無如此地多幸得蒔花傳樣本
不應遺恨語宣和

鶴澗春來野草芳吳宮曾此葬魚腸真孃也占埋香塚

風月平分與女郎

過吳重至南樓

閨澹偏解重談經小設高齋聚德星

若冰為余治具招惠松厓王蘭泉雅

集說

比似羣仙臨靜舍自應北郭傲西亭

後漢廖扶通經教授時人

號為北郭先生

積載然脂親翰墨編成攬驥幾辛勤旃檀氣味迎陵語

二字香音可贈君

董曲江太史邗江歸棹圖

棟花風近客揚州紅藥香濃欲放舟容易年時經一稔

好詩題徧十三樓

小別吳趨作近游書籤藥畏送驛愁軟紅去踏東華土
應憶花橋水閣頭

建牙轉漕數遺聞三葉傳輝典秘文猶有舊時棠樹在

路人指點說郎君

曲江祖諱訥
曾節制兩江

寫盡風雲入紀程酒邊得句態縱橫錦秋湖上推蓬處

十里芙蓉相對生

寄題金陵陶蘅浦水雪窩

精廬遙指秦淮上抱膝閒吟有古情數樹梅花半窗月

沁人詩思十分清

秋水承歡自晏如研窮七業儘三餘尋常茗椀香爐畔

堆案叢殘了部書

畫船燈火徹平明
殘夢猶思舊石城
可惜但聽弦管沸
不知中有讀書聲

寄跡浮生感昔邪
神仙何似隱居家
拏舟佗日尋良友
先問衝寒屋角花

題楊妃出浴圖

盛鬢豐肌說玉奴
不勝體倦倩人扶
頗梨碑下消魂態
能使君王走蜀都

自題梅花帳

羅浮河渚空如雪
花到吳中能更殊
依約銅坑西去路

淡烟冷月兩三株

半尙含葩半已開
珊瑚爲骨玉爲胎
誰言素女生天上
夜夜窗前引夢來

次韻曲江七夕詠烏鵲

銀河相望少舟航
藉有靈禽使駕梁
暫去雕陵緣底事
一宵祇爲兩人忙

歲歲填河敢告勞
井梧微脫頂無毛
人間幾許銷魂別
弱水三千波浪高

閏重陽前五日姚悔凡招同王草香方茗山李坤
符小集因登讀史樓悔凡以藏書見贈重感其意

兼有所懷作

戢柅偶歸里銜觴喜朋舊嘉客山山至挈杖亦相就談
圃驚縱橫詩境快馳驟煩襟不覺開深杯屢爲覆主人
啟園扉萬石立烟瘦登樓一延目了了見羣岫况近閨
重九秋光更明秀勝情易奄移異景巧奔湊榭柏黃已
含芙蓉紅尙透悽風自西來寒氣冒郊郭敷救切樓中富

奇書善本皆有副藤笈恣流觀墨香開恂愁宛入華藏
海怪偉紛左右慨然指爲贈貧子慰賸睽明珠未云珍

吉金寧比厚囊重奚奴嗟櫝空神物吼茲事鄴粲後贊

嘆真希有

杜鄴從張京兆之子學問王粲爲蔡中郎所奇皆盡得其家書

因思寫韻人

曾此揄廣袖窈窕烟月空三年曠已久華屋昔邪滋暗
壁餘芳漱長江浩茫茫延佇起悵惘卽就切良會詎可常
一笑何時又

閩重九前一日吳秋漁招同陸文玉王香浦游橫
雲山分得暢字

高空墮片雲迤邐吐奇狀皇媯煉石英衆繖互相向其
勢拒泖波蒼然起巨防娟娟海濱山獨此疊巖嶂誰分
蓬萊股僵隊長谷上天帝勅雲將變化未可量或云由
士龍吾意殊未當今歲逢閩九秋老景更曠良友宿治
具侵晨理吳榜微風轉輕帆未午厓已傍青鞋信步行

紅葉延首望
龍韜喧農舍
簫鼓簇游舫
山莊故自佳
雲

塢亦可向

橫雲山莊王尚書園
宿雲塢張司寇義莊

穿林攀禪枝
入室拜遺

像

山後棠陰禪院
祀明穀城相公

竹栢森成圍
烟蘿裊垂帳
淵壑湊寒

流谿谷納遠響
宛披董范圖
巧敵般爾匠
去鄉形久疲

逢場神彌王
猶憶廿年前
曾陪綠玉杖

庚戌秋同香浦
尊人草香陪黃

官允先師今
吾徐丈遊此論飲把深卮
拈韻發浩倡
流光若飛電
二

老奄元壤慚
余老漸衰墨
首年正壯景物換
今昔悲喜

入俯仰主人出
塵姿詩筆俱老
橫所至戀好山
往往立

洋眈頽景遽西
馳暮色連漉漉
急呼進霜螯
沉醉倒菊

釀歸來已三更
隣燈一星颺
科頭弄庭月
挽客未肯放

望古稽阮後作達實無兩置之蓬閩間庶幾情始暢出
門語童奴我亦笑我狂古泥切

閏九月望去家作

還家未久又辭鄉欲別褰衣淚數行侵曉尚餘沉野月
初寒已覺滿篷霜青山來往應相笑白髮羞池黯自傷
何似團團村舍樂蟹肥酒熟稻登場

過青浦有懷蘭泉舍人

浮圖倒影臥蒼波斜日荒城客又過邑小人稀風色紫
江寒天濶雁聲多披綿味好嘗黃雀埽黛山遙憶翠蛾
東望澱湖雲杳眇故人病起近如何

崑山道中

容易滄江一宿程，浪平風定穩舟行。
寒衾擁月人回夢，小市聞雞路近城。
話舊飛騰思故友，論詩希濶感平生。
故人顧餘菴子芬，九附舟至吳爲閱近詩尚書沒後風流歇。
贏得吳歌送櫂聲。

學福齋詩集卷十三終